

riam in lite, armis, equis, & omnibus quæ ad rem bellicam spectant, emendo præparando & induendo, inimicis se obuiam dando, bonum est agere res cum principibus, equestribus & militibus.

Lunæ coniunctio, quadratus uel oppositus cum Sole radicis, nocet in omnibus præsertim cum regibus & principibus, sed eorum trinus uel sextilis sunt fortunati cum illis.

Lunæ coniunctio & aspectus cum Venere radicis, dant fortunam cum mulieribus & uirginibus, conducendo famulos & famulas, noua uestimenta induere bonum, & omnia quæ ad iocunditatem spectant præsumenda.

Si fuerit Lunæ coniunctio & aspectus tui temporis cum Mercurio radicis, bonum est emere & uendere, age tutè res tuas cum scribis, mercatoribus, atq; doctis, fac iter, scribe epistolas, mitte nuncios.

Luna cum peruenerit ad locum partis fortunæ radicis, uel ad eius profectio- nem uel ad secundæ domus profectio- nem, erit dies foelicissimus emptionibus & uenditionibus, & omnibus actionibus substantiæ & omnibus rebus.

Luna cum peruenerit ad locum Capitis Draconis radicis, erit dies foelicissimus in rebus dominorum, uel quæ sunt de natura Iouis & Veneris. Si ad Caudam radicis, erit infœlix dies, sicut si ad Saturnum & Martem pertingeret.

In omni electione in genere non cadat Almuten natiuitatis. Sed si est infortuna, sit in succedente tantum. Aptentur ascendens, & decimum natiuitatis. Laudabile est, si ascendens decimum uel undecimum radicis sit ascendens electionis, si saltem libera sint. Caue ne ascendens electionis sit sextum, octauum, uel duodecimum radicis: Præ omnibus apta ascendens natiuitatis, eius dominum, Lunam ascendens electionis, eiusq; dominum.

Inchoa omnia opera tua in hora illa, qua ascendit illud signum, quod ascendebat in tua genitura, ita tamen quod in quatuor angulis non sit aliquis malus, nisi esset dominus ascendentis. Hoc est uerum cum in factis tuis casualibus fueris fortunatus, oportet ergo ut teipsum consideres. Si uero in communibus tuis factis fueris infortunatus, incipe opera tua in ea hora qua ascendit signum, quod in natiuitate tua fuerit in quinta, uel undecima domo. Et semper bonum est, ut luminaria sint in angulis uel succedentibus.

In minutione sanguinis & omni electione ante omnia conuenit scire natiuitatem alicuius hominis, ne ascipias ascendens inimicum radici natiuitatis, sicut illud quod fuit in sexta, octaua, uel duodecima, aut in quo fuerunt infortuna, uel eorum radij quadrati, uel oppositi. Et in minutione elige signa contraria complexionis, sicut sanguineo, terrea; Flegmatico, ignea; Melancholico, aërea; Cholericò, aquea.

Natus nihil noui incipiat quando Luna fuerit in ascendente, sexta, septima, aut duodecima, aut quando fuerit in loco Saturni, uel Martis radicis, uel in eorum malis aspectibus, aut in signo quod hora natiuitatis uerit impeditum.

Quoties Luna uenerit ad ætatem in qua fuerat hora natiuitatis, illa ætas erit nato fortunatissima, habilior & conformior cum sua natura. Ideo natus plus fortunabitur circa ætatem talem Lunæ in suis actionibus quàm alijs temporibus. Quare electiones essent nato plus conuenientiores alijs, si circa illam ætatem possent haberi.

CAPVT DECIMVM SEPTIMVM.

Qui uestium & equorum colores, quæ metalla, qui preciosi lapides, qui uel septimanæ dies, magis minus uel sint, natis idonei aut foelices infelices uel;

Nn. 4 Colores